

21 MAR 1999

RAKYAT KEDAH AKAN TENTANG PIHAK YANG CUBA BUNUH PM

ALOR SETAR, 21 Mac (Bernama) -- Rakyat di negeri Kedah akan bangun menentang sebarang cubaan untuk membunuh Perdana Menteri Datuk Seri Dr Mahathir Mohamad, kata Menteri Besar Tan Sri Sanusi Junid.

"Mereka yang cuba bertindak demikian adalah musuh kepada Islam, bangsa dan negara," katanya ketika memberikan ucapan dalam Majlis Perhimpunan Bersama Rakyat di Stadium Darul Aman di sini malam ini.

Yang turut hadir ialah Perdana Menteri, Menteri Kesihatan Datuk Chua Jui Meng, Menteri Penerangan Datuk Mohamad Rahmat, Menteri Besar Perak Tan Sri Ramli Ngah Talib, timbalan-timbalan menteri, anggota exco kerajaan negeri serta rakyat di negeri ini.

Beliau berkata demikian sebagai mengulas timbulnya usaha sesetengah pihak cuba membunuh Perdana Menteri seperti yang didakwa oleh Timbalan Menteri di Jabatan Perdana Menteri Datuk Ibrahim Ali, dua hari lalu.

Sanusi berkata rakyat Kedah memusuhi mereka itu dan kepimpinan yang berdaya maju, perpaduan dan keamanan adalah penting untuk menjamin hidup yang lebih selesa.

-- BERNAMA

MAN ZB